

**Razvojna banka Federacije
Bosne i Hercegovine
v.d. predsjednik Uprave**

Broj: 6398-III/21
Sarajevo, 07.7.2021. godine

Na osnovu člana 69. stav (3), člana 70. Zakona o javnim nabavkama ("Službeni glasnik BiH", br. 39/14), člana 8. stav (2) tačka d) Pravilnika o uspostavljanju i radu Komisije za nabavke (Službeni glasnik BiH broj 103/14), na preporuku Komisije za nabavke iz Zapisnika o pregledu i ocjeni ponuda broj 6389-XI/21 od 07.7.2021. godine i člana 20. Statuta Razvojne banke Federacije Bosne i Hercegovine, u otvorenom postupku javne nabavke usluga revizije finansijskih izvještaja Razvojne banke Federacije BiH za godinu koja završava na dan 31.12.2021. godine, v.d. predsjednik Uprave Banke donosi

ODLUKU

o otkazivanju postupka javne nabavke

Član 1.

Prihvata se preporuka Komisije za nabavke iz Zapisnika o pregledu i ocjeni ponuda, broj 6389-XI/21 od 07.7.2021. godine, te se otkazuje postupak javne nabavke usluga revizije finansijskih izvještaja Razvojne banke Federacije BiH za godinu koja završava na dan 31.12.2021. godine za koji je na Portalu javnih nabavki objavljeno Obavještenje o nabavci broj 1011-1-2-322-3-19/21, zbog dokazivih razloga koji su izvan kontrole Ugovornog organa i koji se nisu mogli predvidjeti u vrijeme pokretanja postupka javne nabavke, a na osnovu člana 69. stav (3) Zakona o javnim nabavkama, obzirom da su dostavljene dvije ponude koje su prihvatljive i koje imaju identične cijene, te nije moguće izabrati najpovoljnijeg ponuđača.

Član 2.

U skladu sa odredbama člana 70. stav (6) Zakona o javnim nabavkama, Ugovorni organ će objaviti ovu odluku na svojoj web stranici www.rfbih.ba, istovremeno s upućivanjem iste ponuđačima koji su sudjelovali u ovom postupku.

Član 3.

Ova odluka stupa na snagu danom donošenja i dostavlja se ponuđačima koji su sudjelovali u postupku javne nabavke, saglasno članu 71. stav (2) Zakona o javnim nabavkama.

OBRAZLOŽENJE

Odlukom o pokretanju postupka nabavke usluga revizije finansijskih izvještaja Razvojne banke Federacije BiH za godinu koja završava na dan 31.12.2021. godine broj 5329-III/21 od 07.6.2021. godine, odobreno je pokretanje postupka nabavke predmetnih usluga za potrebe Razvojne banke Federacije BiH.

Javna nabavka je provedena putem otvorenog postupka javne nabavke, a kriterij za dodjelu ugovora je najniža cijena.

Procijenjena vrijednost nabavke iznosi 52.000,00 KM bez PDV-a.

Obavještenje o nabavci predmetnih usluga objavljeno je na Portalu javnih nabavki dana 09.6.2021. godine, broj obavještenja: 1011-1-2-322-3-19/21.

Odlukom Ugovornog organa broj 2715-III/21 od 24.3.2021. godine imenovana je Komisija za nabavke Razvojne banke Federacije BiH, a kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Slijedom navedenog, Komisija za nabavke u okviru svojih nadležnosti i ovlaštenja je provela predmetni postupak nabavke, te o tome sačinila Zapisnik o pregledu i ocjeni ponuda u kojem je evidentirano da je pristiglo 2 (dvije) ponude kako slijedi:

R. Br.	Naziv i sjedište ponuđača	Datum i sat prijema ponude	Cijena ponude (u KM)	Popust (u KM)	Ukupna cijena bez PDV-a (u KM)
1.	Grant Thornton d.o.o. Banja Luka, Ulica Vase Pelagića broj 2, IV sprat, Banja Luka	01.7.2021. godine u 09:26 h	51.750,00	0,00	51.750,00
2.	BDO BH d.o.o. Sarajevo, Fra Anđela Zvizdovića 1, 71000 Sarajevo	01.7.2021. godine u 11:15 h	51.750,00	0,00	51.750,00

Na osnovu izvršene analize i ocjene pristiglih ponuda, Komisija za nabavke u Zapisniku o pregledu i ocjeni ponuda konstatovala je da su dostavljene ponude prihvatljive.

S obzirom da je tačkom 25. tenderske dokumentacije predviđeno provođenje e-aukcije u skladu sa Pravilnikom o uslovima i načinu korištenja e-aukcije (Službeni glasnik BiH broj 66/16), za ponuđače zakazana je e-aukcija za srijedu 07.7.2021. godine sa početkom u 12:00 h. Predviđeno je da će e-aukcija trajati 15 minuta.

E-aukcija je počela u 12:00 h, a završila u 12:15 h.

Rangiranje prihvatljivih ponuda prema kriteriju za izbor ponude (najniža cijena) nakon provedene e-aukcije:

R. Br.	Ponuđač	Ukupna cijena ponude (bez PDV-a) u KM	Rang
1.	Grant Thornton d.o.o. Banja Luka	51.750,00	1
2.	BDO BH d.o.o. Sarajevo	51.750,00	1

Obzirom da su ponude dva ponuđača identične po cijeni, Komisija za nabavke nije mogla izvršiti odabir najpovoljnijeg ponuđača u otvorenom postupku javne nabavke.

Članom 69. stav (3) Zakona o javnim nabavkama propisano je da ugovorni organ može otkazati postupak javne nabavke samo zbog dokazivih razloga koji su van kontrole ugovornog organa i koji se nisu mogli predvidjeti u vrijeme pokretanja postupka javne nabavke. Obzirom da dva ponuđača, čije su ponude prihvatljive, imaju iste ponudene cijene, nije moguće izvršiti izbor najpovoljnijeg ponuđača, a što je van kontrole ugovornog organa i što se nije moglo predvidjeti u vrijeme pokretanja postupka javne nabavke, odlučeno je kao u dispozitivu Odluke.

Pouka o pravnom lijeku: Protiv ove Odluke može se izjaviti žalba u roku od 10 (deset) dana od dana prijema ove Odluke, saglasno članu 97., 99. i 101. Zakona. Žalba se podnosi u najmanje 3 (tri) primjerka.



v.d. predsjednik Uprave

dr. sc. Semir Fejzić

Dostaviti:

- Učesnicima u postupku